



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Capitularia Regvm Francorum

Additae sunt Marculfi monachi & aliorum formulae veteres, & Notae  
doctissimorum virorum

**Baluze, Etienne**

**Parisiis, 1677**

CXLIX. Pontij Comitum Emporitani donatio ad monasterium sancti Petri  
Rodensis in dioecesi Gerundensi.

**urn:nbn:de:hbz:466:1-22974**

## CXLVIII.

*Carta qua promisit Raimundus Comes Palarenfis Arnaldo Mironis filiam suam Valenciam, quam in uxorem duxit, tenere eam bene & non dimittere, & us melius quod promittebat servaret, supposit ei pignori castra de Areng, de Muntangana, de Muro, & Lisingana.*

An. 1055.  
Ex archivo  
regio Bar-  
cionensi.

**Q**uia legibus seculi est decretum ut pignus quod pro aliquo negotio deponitur, si per cautionem fuerit obligatum, robur obtineat plenissimum, ideo ego Raimundus Comes Palarenfis pignoratior sum tibi Arnaldo Mironis & Arfundi tue uxoris. Volo satis ut sciatur à cunctis tam presentibus quam etiam futuris qualiter Valenciam filiam vestram in conjugio accipio. Et vobis manifestè convenio ut eam semper cum honore teneam sicut homo debet tenere suam legitimam uxorem, & nunquam eam dimittam, dum vixero, nisi propter cucuciam quam ipsa mihi faciat, & ipsa cucucia mihi sit probata à me legaliter & manifestè convincta, & non sit facta per meum assensum nec per meum consilium nec per meum stabilimentum. Insuper convenio vobis, sicut scriptum est in alia conveniencia quam in Lisingana juxta ipsum castrum inter nos fecimus, ut faciam ei commendare omnes meos meliores homines, & faciam eis fidelitatem ei facere & per sacramentum affidare ut si Deus ei dederit infantes ex me, post meum obitum, si illa viva remanserit, tendant ad eam & ad infantes ejus cum omni honore quod nunc tenent & tunc remerint per me, & hoc totum faciant sine suo enganno. Et ego nunquam tollam ei castra nec ipsam terram quas & quam modo ei dare convenio & inantea ei dabo. Et super hoc, ut totum sicut superius est dictum, teneam & faciam & adimpleam, mitto vobis & filie vestre Valencie jamdictæ in pignore ipsum castrum de Arengs, & castrum de Montangana, & castrum de Muro, & castrum de Lisingana, cum omnibus eorum terminis & pertinentiis cunctis. Sub ea scilicet lege ut si prædictam omnem convenientiam non adimplevero & non observavero, præfata omnia incurrant in vestra potestate sine aliqua contradictione ad faciendam quodcumque volueritis facere. Et sic de meo jure trado hoc totum secundum modum superius comprehensum in vestrum dominium & in vestram potestatem. Et qui hoc voluerit vobis dirumpere, nullo modo possit facere, sed in duplo vobis hoc totum componat, & postea hæc scriptura firmitatem obtineat. Quæ est acta 1111. Nonis Septembris xxv. anno Regis Henrici. Signum Remundi Comitis, qui hanc scripturam scribere jussi & manibus propriis solitum signum ibi impressi, & postea ab aliis testibus firmari rogavi. Signum Mironis de Muro. Signum Bertrandi Atonis de Montangana. Signum Remundi Mironis de Orcallo. Signum Remundi Erimanni. Signum Rodegati Huberti. Signum Fulconis Guillelmi. Signum Bernardi Tralvatij. Signum

Arnaldi Compagni. Signum Bertrandi Borrelli. Signum Mironis Harni. Signum Sanlani Imble Guillelmus sacerdos & judex Vitalis sacerdos rogatus scripsit prædicto die & anno.

## CXLIX.

*Pontij Comitis Emporitani donatio ad monasterium sancti Petri Rodensis in diocesi Gerundensi.*

**D**um legaliter sanctum antiquitus teneatur & cautum cum oblationibus Domino parentes suos tradere filios in templo Domino feliciter servituros, proculdubio hoc de nostris filiis faciendum nobis salubriter præbatur exemplum. Equum etenim est judicium creatori nostro de nobis reddere fructum. Idcirco ego Pontius Comes in Dei nomine & uxor mea Adalez nomine hunc filium nostrum nomine Petrum in monasterio sancti Petri, quod est situm in pago Petralateni in ipso monte quod dicitur Rodas lubtus castrum Verdaria, subtus ipsum mare magnum, in quo monasterio Dominus Petrus Abbas præesse videtur, cum oblatione in manu atque petitione palla altaris manu sua involuta ad nomen sancti Petri, cujus nomen ac reliquie continentur, & supradictum Abbatem præsentem tradimus in monachum coram testibus regulariter permanfurum, cum hereditate paterna vel materna. Donamus namque & pro hereditate paterna vel materna ipsum forefret vel ipsam matam quæ dicitur filva sancti Romani, sicut terminat de parte Circi in maliolo sancti Petri præscripti, & descendit per ipsam ferram, & pervadit usque ad ipsam guardiolam. Deinde de parte orientis descendit per ipsam ferram, & pervenit ad locum quem dicunt Subiradels & ad Ecclesiam sancti Stephani, & pervadit usque ad ipsum Guadel, & ascendit per ipsam ferram de ipso Surberol & usque in summitatem ipsius montis qui dicitur Miral, & descendit usque in ipsos Colels. De partibus verò meridie ascendit per ipsam viam, & pervenit usque ad ipsam petram quæ est in ipsa via. Deinde vadit usque ad collum sancti Genesij, & pervadit per ipsam ferram usque ad ipsum pog & usque ad ipsam pennam quæ est super Cheros albos. De parte occidentis ascendit per ipsam ferram de ipsa xalm, & pervenit usque in summitatem de ipsa pinna nigra. Deinde descendit usque ad ipsas palumbarias, sicque conjungitur usque in ipsa villa via de ipso maliolo. Quantum infra omnes istas affrontationes concluditur, sic donamus ego prædictus Poncius & uxor mea nomine Adalez ad filium nostrum Petrum præscriptum, & prædictam hereditatem sic tradimus & donamus Domino Deo & sancto Petro cœnobio præscripto ad proprio, & tali verò pacto ut dum vivimus teneamus usufructuario. Et hæc omnia verò præscripta ita donamus & tradimus ad proprium præscripto cœnobio ut non sit nobis licitum ullo modo mutandi voluntates nostras, sed in perpetuum ad dominium permaneat sancti Petri, & per ipsum usufructuarium quod retinemus ibi, per unumquemque annum donemus censum, id est, receptionem unam optimam ad monachos sancti Petri

An. 1069.  
Ex charta  
lario S. Petri  
Rodensi.



Petri præscripti in die sanctæ Margaritæ. Nos verò præscripti donatores cum prædictis omnibus rebus hunc filium nostrum tradimus & donamus Domino Deo & sancto Petro coram testibus, ita ut ab hac die non liceat ei collum excutere de sub jugo regulæ, sed magis ejusdem regulæ feliciter se cognoscat instituta servare & Domino cum ceteris gratanti animo militare. Et ut hæc nostra traditio inconvulsa permaneat, sub jurejurando coram Deo & sanctis omnibus quia nunquam per nos, nunquam per suffectam personam, nec quolibet modo per rerum nostrarum facultatem, aliquando egrediendi de monasterio tribuamus occasionem. Et ut hæc petitio firma permaneat, manu propria subter firmavimus & bonis viris adfirmate rogavimus. Facta hæc donatio vel traditio 1111. Idus Julij anno ab incarnatione Christi 12111. post millesimo, anno verò quarto Philippi Regis. S. Poncius Comes, S. Adalez Comitissa, qui hunc filium nostrum Petrum tradimus cum prædicta hereditate & quantum ibi habemus vel habere debemus pro qualicumque voce Domino Deo & sancto Petro præscripto coram testibus. Quod si nos donatores hanc donationem irumpere voluerimus, nil nobis valeat, sed componamus prædicta omnia in duplo prædicto cœnobio, Petrus Presbyter. Ræmundus Vgo. S. Bernardus Gausfredus. S. Bernardus Boni filij. Petrus Lobaton. Guillelmus Oliba. Adebrandus Presbyter & monachus, qui hanc traditionem vel donationem scripsi & subscripsi die & anno quo supra.

## C L.

*Traditio filij ad monasterium Conchenfe in diœcesi Rastellenfi.*

Ex chartulario monasterij Conchenfis cap. 123.

**I**N Dei nomine. Ego Deusdet Terondellus red-do & commendo Petrum filium meum Deo & sanctæ Fidi & Petro Arnaldo monacho ut teneat & nutriat illum usque ad decem annos; & propter hoc cessarium unum, qui exit mihi de unoquoque modio quem monachus sanctæ Fidis habuerit de quinque condaminis de Clauniacho, dono & laxo & sanctæ Fidi & monachis ejus usque ad decem annos. Et post decem annos, de duabus condaminis quas monachus sanctæ Fidis elegerit dono sanctæ Fidi & Abbati Begoni & monachis tam presentibus quam futuris illum unum cessarium qui exiebat mihi de unoquoque modio. In tali convenientia ut monachus qui tenuerit Clauniacom, prædictum filium teneat in domo sua, ut illi semper serviat sicut homo proptius suis. Et si utilis fuerit, faciet illum ordinare ad Presbyterum. Et quando voluerit, faciat illum monachare in monasterio. Et si post decem annos filius meus monachis sanctæ Fidis noluerit servire & habitare cum illis, nihilominus ille meus cessarius remaneat monachis sanctæ Fidis. Si verò infra prædictos decem annos, qui accipiunt terminum in Missa sancti Iuliani, filius meus mortuus fuerit, meus cessarius, qui exit mihi de unoquoque modio de una condamina quam monachus elegerit, remaneat semper sanctæ Fidi in dominio. Facta charta

Tom. II.

mensis Augusto, feria secunda, regnante Philippo Rege Francorum.

## C L I.

*Adalberti Archiepiscopi Hammaburgensis epistola ad Fulconem Abbatem Corbeiensem.*

**A** Sanctæ Romanæ & apostolicæ sedis Legatus, necnon universarum septentrionalium & orientalium nationum Archiepiscopus, Hammaburgensis quoque Ecclesiæ provisor indignus, F. excellentissimo Patri fidelem orationem & perpetuam dilectionem. Geminas, Patrum sanctissime, immo jugiter in Christo amande, causas esse conspiciamus, quibus persuadentibus amicitiam tuam pariter & fidem diu optatam jure expetimus. Te enim nobis non modo incremento non indigens, verum merito cunctis imitanda virtus tua conjungit & copulat, sed & locorum nostrorum vetus nos concordia indissolubili nodo alitrinsecus ligat: quia sanctissimus patronus noster Ansgarius vobiscum conversatus, divina disponente clementia nostræ sedis primus est inthronizatus Archiepiscopus; qui & verbum vitæ nostris partibus intulit, & universitatem Fresonum, Danorum, Sclavorum, Norvegorum, Sueonum, cum curis innumerabilibus ad fidei sacramenta prædicando convertit. Quæ quidem apud vos scripta, vobis credimus esse notissima. Igitur tantum patrem inter nos medium ponimus, & ferus perpetualiter observandum tecum inimus, rogantes ut nostri nostrorumque fraternitas & memoria vestro in loco habeatur, & vestra similiter memoria apud nos idem fortiat. Quod quidem facientes, nobis nostrisque temporibus celeberrimum quid attribuimus, quæ tanto fidei & concordie bono insignia reddimus. Nuncium tuum in proxima æstate nobis dirigit; per quem & cætam omnia hæc, scilicet alternam memoriam & fraternitatis titulum, continentem destinare memento. Per ipsum autem reliquias tibi ejusdem sancti patris nostri Ansgarij & translationem mitemus. Vale.

Ex veteri codice monasterij Corbeienfis.

## C L I I.

*Littere Isarni Episcopi Tolosani quibus Asiliense monasterium sub protectione sua suscipit.*

**N**otum sit omnibus hominibus quod Dominus Dalmatinus Narbonensis Archiepiscopus venit in domum sancti Stephani Asiliensis, & ibi honorifice fuit susceptus. Et dum ipse staret, veniens ego Isarnus Tolosane sedis Episcopus apud præfatum monasterium, multum honorifice ibi susceptus sum. Ibi dum morarer, rogatus sum à jamdicto Archiepiscopo & Abbate atque à cunctis fratribus ut omnia jura & Ecclesiæ ejusdem monasterij, quæ in meo episcopatu sunt, mea auctoritate tuerentur. Quapropter ego jamdictus Isarnus Episcopus amore & honore Dei omnia jura ejusdem monasterij in mea defensione susci-

An. 1075. Ex archivo monasterij Asiliensis.

F F f f f